

БӨЛІМ: МҰҚАҒАЛИ МАҚАТАЕВ / ӨЛЕҢДЕР

## Махаббат моласы

ЖАРИЯЛАНДЫ  
23.01.2023ТІРЕК СӨЗДЕР  
Мұқағали МақатаевСІЛТЕМЕ  
<https://bilimger.kz/129811/>

## МАХАББАТ МОЛАСЫ

Аяқтап болып,  
Махаббат дейтін сапарды,  
Қозы мен Баян моласы, міне, атанды.  
Қалауын қанша тапқаныменен, қара тас,  
Қайырымсыз ата Қарабайдайын қатал-ды.  
Басына бардым, қасында тұрмын солардың,  
(Қозыдай маңырап, сүймеген, сірә, болармын...)  
Егіз жүректі екіге бөліп мола тұр,  
Тұмсығы үшкіл қанжарындай-ақ қодардың.  
Төрт жанардың да тауысып түгел көлдерін,  
Төрт бұлақтарынан теге де жүріп селдерін.  
Ескерткіш етіп, қос ана тастап кеткен бе?!  
Аялап жатқан Аякөз сынды белбеуін.  
Жол түсіп, ұрпақ, таңсыққа барсаң тегінде,  
Бір соқпай кетпе күмбезге сонау көрінген.  
Қазақтың осынау қасқайып тұрған төрінде,  
Бабаларының махаббаттары көмілген...  
Мұқағали Мақатаев

ҚМ АА Куәлік нөмірі: KZ45VPY00102718 — ҚР Мәдениет және Ақпарат министрлігі

© 2026 Bilimger.kz Ақпараттық-танымдық білім порталы. Барлық мазмұн авторлық құқықпен қорғалған.